

Ose. 2.

Darumb so ist's auch nicht wunder/ das Gott sein Wort/ sein Hopff vnd Gersten/ seinen Lein vnd Flachs wieder zu sich nimmet / oder ob er vns gleich bißweilen ein gut Jahr zeiget/ das er vns doch wieder seinen Segen entzeucht/ vnd durch vnverhofft plötzlich Un- gewitter auff dem Feld vnd sonst leßer Schaden geschehen. Denn das hat er nicht allein seinem Volck/ sondern aller Welt gedreuet Ose. 2. Sie will nicht wissen/ das ichs sey/ der ihr gibt Korn/ Most vnd Dele/ vnd der ihr viel Silber vnd Golt gegeben. Darumb will ich mein Korn vnd Most wieder nehmen/ zu seiner Zeit/ vnd mein Wolle vnd Flachs entwenden/ damit sie ihre Scham bedeckt. Von andern Sünden will ich nicht sagen/ wie dadurch Thewrung vnd Hunger kan verursacht werden/ als von den Neid/ da keiner dem andern nichts gönnet/ von Hader vnd Zanc/ dadurch mancher am Bettelstab gereth/ von Faulheit vnd Müßiggang/ dadurch mancher ihm selber einen Hunger vnd Thewrung in sein Haus schickt. Item vom Bücher/ dadurch manicher ein ganz Land arm/ vnd sich zwar reich macht/ er ist aber so karg/ das er es nicht genieß- sen kan/ thut seinem eigenen Leibe nichts gutes/ vnd muß also neben andern Hausarmen Leuten hunger leiden. Dieses alles sind traw- vornehme stück/ durch welche Thewrung an einem Ort kan verur- sacht werden. Vnd da muß mannmichmal der fromme des bösen ent- gelten/ vnd neben den Gottlosen Baaldienern muß oft auch der fromme Elias hungern/ vnd mit den vnbusfertigen Bethlehemiten auch der vnschuldige Elimelech Hungers halben ins exilium zie- hen. Wie ist ihm aber in solcher Noth zu thun/ das man der Thew- rung los werde. Mit wenigen/ dreyerley muß man denn zu för- derst thun. 1. Muß man beten/ Gott in die Kuthen fallen/ vnd vmb abwendung solcher wohlverdienten Straff suppliciren. Also beklage- gere sich Joel 1. vber eine grosse Thewrung/ die Speise wird vor vn- sern Augen weg genommen werden/ der Same ist vnter der Er- den versaulet/ die Kornhäuser stehen röüste/ die Schewren zerfallen/ denn das Getreid ist verdorben. Wie seuffzet das Vieh/ vnd die Rinder sehen kläglich/ vnd die Schafe verschmachten/ denn sie haben keine Wende. Aber mitten in solcher Klage kehret er sich zu Gott

Wie man
zur thew-
ren Zeit
sich solle
verhal-
ten.
Joel. 1.

Gott